



datacolor







1133

1589


35295













*[Faint, illegible handwritten text, possibly bleed-through from the reverse side of the page.]*

ce  
pe  
Cr  
ex  
Co  
de  
su  
B



4 Recueil de. pieces sur  
ce. qui s'est passé en France,  
pendant l'année 1589.

La premiere. est les  
Cruautés Sanguinaires  
exercées enuers feu M<sup>r</sup>. le  
Card. de Guise

La vint septieme. Va  
derniere. Discours véritable,  
sur le fait de. Marthe  
Brossier.










16  
TRAHISON

DESCOVERTE DE  
HENRY DE VALOIS, SVR LA  
vending de la ville de Bolo-  
gne à Iezabel Royne  
d'Angleterre.

*Avec le nombre des vaisseaux pleins d'or &  
d'argent prins par ceux de la ville de Bo-  
logne, enuoyez par Iezabel audie  
de Valois.*



A PARIS,

Chez Michel Iouin, rue Sain& Jacques  
à la Souche.

M. D. LXXXIX.





AV LECTEUR.


**L**ECTEUR ly ce discours demonstrent  
les menées  
De Henry de Valois fauteur de tous mes-  
chans  
Perfide, desloyal, hay des bonnes gens  
Et trouueras que Dieu n'ayme ses destinees

A PARIS

chez Michel Jouin rue saint Jacques  
à la souche

M. D. LXXXIX.





TRAHISON DESCOV-

VERTE DE HENRY DE VA-

lois, sur la vendition de la ville de

Boulagne, à Iesabel Roynne

d'Angleterre.



Hacun doit e-  
stre seur, que le  
vint septiesme iour  
de Ianuier, dernier  
passé, arriua en la  
ville de Bolongne,  
vn Anglois en-  
uoyé de la part de  
la Roynne d'Angleterre, avec deux vais-  
seaux, plains d'or & d'argent qu'il ame-  
noit, & auoit semblablement vn pac-  
quet de lettres. Or estât entré en la ville  
il demanda à parler à monsieur le Cap-  
itaine de Bernay, le Gouverneur, mais  
il ne peut parler a luy, ne mesme faire  
ses affaires selon son desir (côme il pre-  
tondoit) car les habitans auoient esté



aduertis quelque temps deuant par le  
 Seigneur Detray, Lieutenant du Cap-  
 itaine de Bernay susdict, qu'il deuoit  
 arriuer gens d'Angleterre, pour se ren-  
 dre maistres de leur ville, pour ce que  
 Henry de Valois, pendant qu'il estoit  
 Roy de France, l'auoit vëdue a la Roy-  
 ne d'Angleterre, & auoit suborné de  
 Bernay le Gouverneur dessusnommé,  
 pour luy liurer: ce que de Bernay luy a-  
 uoit promis, ayant esté tant par les dôs  
 de Henry de Valois, que de la Royne  
 d'Angleterre, suborné, & gaigné, pour  
 a quoy obuier ils auoient tué & mis a  
 mort leur Gouverneur, affin de n'estre  
 trahis par luy, pour Henry de Valois,  
 à cause de la Royne d'Angleterre, de la  
 quelle ils voyoient de iour à autre, ce  
 gouverneur recepuoir present, d'oc cest  
 Anglois faché de n'auoir point trouué  
 le Gouverneur, & de ce trop importun  
 pour son proffit (que ie parle ainsi) cō-  
 bien qu'il ne s'apperceut que on sceut  
 ce qu'il venoit faire en ceste ville, se ha-  
 zarda de parler au Seigneur Detray Li-  
 cutenant du Cappitaine de Bernay, &



gouuerneur (comme pensoit cest Anglois) en son absence, si bien que il parla à luy, & pensoit que ce Lieutenant eust esté aussi suborné par Henry de Valois iadis Roy de France, & la Royne d'Angleterre, ce que toutesfois n'estoit pas & sur ceste pensee s'asseurant, il declare a ce Lieutenant pourquoy il estoit venu, & luy conte les intelligéces de Héry de Valois avec la Royne d'Angleterre, en forme de deuis, & luy dict aussi qu'il arriuoit deux vaisseaux pleins d'or & d'argent, & puis apres luy bailla le paquet de lettres lequel ayant ouuert & leu, il trouua en escript ce que cest Anglois luy auoit dict de bouche, & apprint que la Royne d'Angleterre enuoyoit deux milliõs vn d'or & l'autre d'argét à Henry de Valois, pour faire la guerre cõtre les Catholiques. Or ce Lieutenant ayant oy, leu, & veu tout cela, il feit semblant a cest Anglois d'estre bien aise de ces nouvelles, & dict à cest Anglois qu'il allast faire haster ces vaisseaux d'approcher & venir a bõrt, de quoy cest Anglois bien aise, s'en va les fai-



re haster, & aussi tost qu'il fust forti hors de la ville, le Lieutenant va communiquer ces lettres aux principaux de la ville pour demonstrier que ce dōt il les auoit aduertis deuant estoit vray, lesquels ayant veu ces lettres, demanderent au Lieutenāt s'il auoit faict responce à ces lettres, lequel leur dict que nō, mais seulement auoit dict à cest Anglois qu'il feist haster ces vaisseaux, ce que les habitans trouuerent fort mauuais au commencement, mais quand il leur eust dict pourquoy il l'auoit faict, ils trouuerent bonne ceste responce, & delibererent vnanimemēt, oyant la raison pour laquelle ce Lieutenant l'auoit faict (qui estoit de se mettre troupe de gēs au bort de la mer, & tirer sur ces vaisseaux affin de les faire submerger dedās la mer) d'y aller, ce qu'ils feirent & tirent sur ces vaisseaux & les feirent submerger, & ne feirent cela pour autre raison, sinon pource qu'ils craignoient tous que au lieu d'argent dedans ses vaisseaux n'y eust eu des gēs cachez, lesquels entrez dedans la ville,



s'ils eussent peu comme ils pretendoïent par apres par le moyé du gouuerneur, si on ne l'eust tué, & qu'on n'eust faict accroire a cest Anglois qu'il n'y estoit pas, & qu'il s'estoit allé promener à deux lieues de là, & fussent sortis apres, & se fussent rendus maistres de la ville: car se font ruzes & stratagemes de guerre qui se praticquent tous les iours en guerre, qui seruirent beaucoup aux Grecs à prendre la grand Cité de Troye, estans entrez en icelle dedás vn grand cheual de Bois, dans le vêtre duquel y auoit grande abondance de soldats armez, & par ce moyen là la prendrent. Mais le bon Dieu qui cognoist toutes choses ne permit pas qu'il aduint aucun mal à ceste ville Catholique, ains a f iet que de iour en autre on cognoistra comme Henry de Valois est plus heretique qu'autre, & qu'il adhere, & à tousiours adheré plustost a la Royne d'Angleterre, trescruelle huguenote, qu'a nul autre Roy ne prince Catholique, laquelle luy a apprins a massacrer les Princes Catholiques côme Messieurs les Cardinal & Duc de Guyse,



lesquels il na fait massacrer en la ville de  
 Blois pour autre cause, sinon pour ce q  
 ces bōs princes soustenoïēt l'Eglise & le  
 peuple, & s'en rédoient les protecteurs,  
 cōme au cōtraire, luy se rend faulx &  
 appuy des Ateistes, hereticques, poli-  
 ticques, inuenteurs, exacteurs, rong-  
 peuples, & de toute autre maniere &  
 sorte de ces gens qu'il a tousiours eū, &  
 a encores aupres de luy, qui ne valent  
 pas le pendre, lesquels il a tousiours  
 conseruez & aymez, en obseruant en  
 toutes manieres les deportemēs, faicts,  
 & gestes de Mahomet lequel escript qu'il  
 faut tyranniser le peuple cōme il a faict,  
 qu'il faut tantost fauoriser l'vn, tantost  
 l'autre nager entre deux eaux, estre touf-  
 iours des plus forts, estre traistre, perf-  
 de, desloyal, poltrō, heretique, Ateiste,  
 faire daces, tailles, imposts sur tout, &  
 iusques sur les choses les plus villaines  
 & absens iusques a l'exemple de celuy  
 qui en faisoit sur le pissat, en disant &  
 recitant le poëte Satyrique, L'odeur &  
 senteur de l'argent est bonne de quelle  
 chose qu'elle puisse prouenir, ce qu'il a  
 fait



fait tant qu'il a regné, & mis à executiō  
 tant & si longnemēt, que Dieu s'en des-  
 plaisant, a incité le peuple à se bander  
 contre luy reellement & actuellement  
 s'vnir ensemble, colliger argent pour  
 soulvoyer hommes d'armes pour luy  
 faire guerre, & le deposseder de sa cou-  
 ronne, comme en estat indigne, à quoy  
 il faut tendre, & prier Dieu tout bon &  
 tout puissant de nous en donner & o-  
 ctroyer vn autre, qui soit protecteur de  
 l'Eglise, & deffenseur du Peuple, com-  
 me est Monseigneur le Duc du Maine,  
 Prince tres-generoux, & qui a mieux  
 meritē la couronne de France que nul  
 de tous les Valesiens, ie passe tous les  
 Bourbons aussi, exceptant Reuerend  
 pere en Dieu Monseigneur le Cardinal  
 de Bourbon, lequel, comme ie croy,  
 octroyera de bonne volentē à Monsei-  
 gneur le Duc du Maine le iuste herita-  
 ge & succession qu'il a à la Couronne de  
 Frāce pour empescher que tous les au-  
 tres, ses parents, tous heretiques n'y ap-  
 prochent, & pour en bānir du tout cet  
 heretique, excommunié, & bastard de



Roy de Navarre, & le priuer & repouffer, de peur qu'il n'y entre: car sil y estoit vné fois entré, il mettroit toutes les villes Catholiques & les habitans d'icelles à feu & à sang, & Dieu, comme ie croy, le fera, quoy que dient & facent courir par le monde quelque politiques cachez, & quelques Catholiques à gros grain, lesquels on deburoit tous brusler dans vn mesme feu, & mettre en cède les herezies, non pas seulement en papier, car ce n'est pas assez, & pour vray dire rien, mais a ctuellement & de fait, pour lesquelles reduire en cendre, & conuertir a neant, on veoit Messieurs de la ville de Paris prendre peine tresgrande, affin d'y paruenir, & y paruiendront, comme ie croy, estans venus à bonne fin par cy deuant de leurs affaires, & ayant tant fait, que presque desia les notables villes & Parlements de tout le royaume de France, se sont vnis avec eux, comme Thoulouze, Rouen, Dijon, Amiens, & plusieurs autres villes, & toutes (que ie dis ainsi) sin on celles qui n'ont point esté aduerties des

méchancete  
ry de Valois,  
Dieu, qui gou  
qué, & out  
être tous au  
nid, mon Dieu  
gouerne nou  
délure nous  
content, & de  
maux: & ap  
res eux mé  
toutes fortes  
petits enfans  
fait tous les  
pour veoir, &  
pas toutes c  
nous auons,  
nous bien a  
cette ville d  
doubte la  
Héry de Va  
chant & de  
gleterre, B  
par la grac  
couverts i  
suffent ion



meschancetez de ce malheureux Henry de Valois, aussi ont ils eu recours à Dieu, qui gouuerne tout, l'ont inuocqué, & ont dict ce que nous debuons dire tous avec le Psalmiste royal Dauid, mon Dieu sauue nous, guide nous, gouuerne nous en ton nô & en ta voye, deliure nous de ceux qui nous persecutent, & decharge nous de tous nos maux: & apres qu'ils ont fait ces prieres eux mesmes, ils ont fait faire par toutes sortes de gens, mesmes par des petits enfans, tous nus pieds, ce qu'on fait tous les iours comme vn chacun peut veoir, & sans cela nous n'aurions pas toutes choses si a souhait comme nous auons, & pouuons dire, que Dieu nous a bien ay dez en ceste affaire cy de ceste ville de Bologne, vendue sans doute a la Royne d'Angleterre, par Héry de Valois, par le moyé de ce mechant & damné Ambassadeur d'Angleterre, Edouart Staffart, lesquels si par la grace de Dieu n'eussent esté decouverts infalliblement les Anglois se fussent ioinctz par le moyé de ceste vil-



Ielà avec Henry de Valois iadis Roy  
 de France, & nous eussent fait grand  
 peur, mais cōme ie viens de dire, Dieu  
 mercy nous sommes hors de ce mal,  
 qui (si Dieu n'y eust pourueu) estoit  
 pour tomber sur nostre teste. Parquoy  
 il faut rēdre grandes graces à Dieu, le-  
 quel fait que nous remportons touf-  
 iours victoire sur nos ennemis, & que  
 nous descouurons de iour à autre les  
 intelligences & coniuences que Hé-  
 ry de Valois iadis Roy de France pra-  
 tiquoit, tandis qu'il l'estoit avec la Roy-  
 ne d'Angleterre, cruelle huguenotte,  
 & plus cruelle qu'aucuue de qui on aye  
 ouy parler, car elle persecute si seuerē-  
 ment & inpitoyablement les bons Ca-  
 tholiques, sans auoir esgard à la quali-  
 té, que seroit chose pitoiable d'en par-  
 ler: car elle cloue les vns aux roues des  
 charretes, les autres les brusle, leur tire  
 le cœur hors du ventre, leur met de la  
 poudre à canon dedans les oreilles,  
 narinnes, bouche, yeux, & autres per-  
 tuis du corps des hommes & femmes  
 & puis apres alume du feu dedans. Bref  
 les fait mourir plus cruellement qu'el-



le peut penser, ce qu'elle à apprins a Hé-  
 ry de Valois, qui a tasché, cōme hereti-  
 que qu'il est, à nous en faire autāt, mais  
 il n'a peu, car Dieu qui est pour nous  
 ne la pas permis, lequel selōce que nous  
 le prions exauce nos prieres. Et en sou-  
 uenance de ces biens faicts qui iournal-  
 lement se monstrent à nous & nous ad-  
 uiennent, il l'en faut remercier, comme  
 i'espere que vous ferez de vostre costé,  
 & moy du mien, & le prirez que selon  
 sa clemence coustumiere, il aye pitié de  
 vous tous Chaholiques qui le deffen-  
 dent, & le faictes ie vous prie par pro-  
 cessiōs, deuotes oraisons, prieres, ieuf-  
 nes, comme vn chacun de nous doit  
 faire le saint temps de Carefme appro-  
 chant ce que auez commencé de faire,  
 mais ie vous prie de continuer & prier  
 Dieu qu'il vous conduise & guide en sa  
 voye, & vous face ce bien que veniez à  
 bonne fin de vos affaires qui vous re-  
 stent, & remportiez la victoire contre  
 Henry de Valois, iadis Roy de France,  
 & tous ses adherés nos ennemis, Dieu  
 nous en face la grace, ainsi soit il.




Faint, illegible text, likely bleed-through from the reverse side of the page.

FIN

Conn

DE HEN  
LOIS AVE  
Charoages C  
le de Rouen

Ensemble com  
IV n° 10 par



Cher Mic



n  
ft  
e-  
u  
ol  
a-  
e  
a-  
a,  
er  
i-  
i-  
i,  
ut  
n  
m  
r-  
é,  
ir-  
ns  
pp  
u-  
ils  
ois  
re  
?



